

頤
道
堂
詩
選

頤道堂詩選卷二十九

錢塘陳文述

辛卯元旦試筆

六十年華轉眼更絳人甲子記分明癸辛街畔三生石
丁卯橋邊五字城安樂菜盤添歲味太平簫管動春聲
一尊遠祝高堂健綠女紅男共此情

人日懷懶雲師秣陵

金蓋仙人去不還草堂人日正蕭閒未能緣督傳丹訣
何處屠蘇破酒顏松樹靜棲千歲鶴梅花香入六朝山
年來頗有騷鸞意真綠終期造蓋寰

舟中望靈巖以將至穹窿不及登

吳宮芳草又芊緜晴翠飛來滿畫船羅綺久消香徑裏樓
臺仍倚綵雲邊玩花池涸空留迹響屨廊空不計年爲慕
神仙謝花月肯將花月換神仙

入穹窿山

徑自浮嵐關人從積翠行籃輿入雲氣芒屨踏泉聲苔古
留猿跡松多養鶴情仙山好樓閣了了見分明

松絃山館玩月

月華散空階清光露檐際山深春較遲殘雪猶在地夜靜
玉輪轉樹陰濕寒翠瑤琴挂東壁微有松風意羽客三五
人不知塵世事天壇理玉格靜玩神仙字坐久各忘言虛
堂入雲氣

穹窿仙跡詩

赤松子

神農雨師也穹窿山爲赤松子取赤石脂處見越絕書挂杖泉在二茅峯爲赤松子

插杖出泉處

挂杖泉甘識舊蹤巖深長有白雲封采脂閒話神仙事高閣何人祀赤松

赤鬚子

豐人秦穆公魚吏也食柏實石脂絕穀往吳山仙去卽穹窿也見神仙傳

石脂柏實儘延年賸有羸家往事傳臺上吹簫雙鳳去主魚小吏亦登仙

三茆君

山半石上有雙膝泉世傳茆君禮斗處施亮生得斷碑於茲山有三茆君字及宋延祐年號知舊

有三茆觀也

茅君禮斗夜焚香雙膝泉深古水涼一樣三峯三白鵝山

名應署小華陽

張子房

留侯從赤松子游採赤石脂於此後人號爲國師龜

鳥盡弓藏一例休韓彭趙醢更堪愁特開千古功臣局辟穀聊爲汗漫遊

夏馥

真誥云明晨侍郎夏馥字子治一云字子恬後漢桓靈時人桐柏真人弟子也少好道服

北餌和雲母食之後入吳山從赤鬚先生受煉魄法吳山卽穹窿也

桐栢真人弟子行細調雲母當春糧一篇真誥曾經讀我識明晨舊侍郎

施亮生

吳人名道淵號鐵竹道人道行高深甚著靈跡康熙中封演化法師爲穹窿開山之

祖今殿宇三十餘所精舍倍之若蕊珠宮闕焉

杏丹朮敘有神方曾入通明禮紫皇解爲天壇留玉格名

山新關選仙場

步虛詞

香烟散作四山雲上界鐘聲下界聞我是華陽仙弟子入
山先禮大茆君

星斗香壇玉宇開金門羽士有仙才綠章夜奏通明殿乞
得平安兩字回

青冥鸞鶴下祥烟羽帔星冠侍法筵玉殿玲瓏三十六散
花人在蕊珠天

山中雜詩

養馬愛神駿昔聞支道林吳門馳匹練從此入雲深
梅花香雪海玉骨不嫌肥洞口人何處閒看野鶴飛

白馬嶺
野鶴洞

月浸橫斜影梅泉水未枯揮毫閒潑墨醉捉小蟾蜍梅泉有蛙

甚馴取至數里外輒自歸

莫誤彈琴峽琤琤幽澗泉趺跏巖石上如坐雨花天法雨泉

古藤何代種枝幹裊龍蛇紫雪隨風落春來又著花紫藤塢

嬾逐神龍去閒隨野鶴回洞門長不閉莫更出山來脚雲洞

竹筧橫斜引飛流轉碧峰玉爐三澗雪寒濺萬年松百丈泉

海雲高不落留此一茆菴爭似湖雲好隨風過碧潭海雲菴

一路莓苔跡深留輦路痕拈花微笑處佛我兩無言拈花寺

徧遊羽士山房極林壑泉石之勝錯綜題之

三尺竹如意一枝松養和碩人棲飲處更與詠槃邁如意軒

養和堂 槃邁居

蒔花花萼舒浣花花氣濕獨有餐花人花前理雲笈

蒔花居

聽月月有聲窺雲雲有態從知烟霞窟各有華嚴界

聽月軒

團團桂之樹一桂馨一山桂香綻金粟妙悟開心顏

一桂山房

桂香居 金粟齋

香妙齋

師竹得竹蔭倚筇傍巖居一粟可容膝讀書如讀書

師竹居

竹蔭居 倚筇居 傍巖居

一粟居 容膝居

讀畫高樓好長江萬里圖頻年游跡在漢樹綠扶疎

讀畫樓

羽士李補樵所居 補樵

善畫有長江萬里圖

種松欲化龍人在松心室枕翠若枕烟吾憶盧鴻一

松心室

枕翠居

松風吹解帶瑤琴一再彈我來抱琴宿白雲生暮寒

松絃山房

贈周列泉王古春
龔仙根三羽士

迎真觀衆妙習仙仙已成詩中有丹訣吾識許宣平

迎真字

觀妙齋

習仙舊館羽士許芥舟所居工詩

齋房芝五莖煜煜松根紫茹芝酌清泉疑是古園綺

五芝房

黃花晚節香夕英采秋菊仙藥足延年酈泉古甘谷

晚香居

香葉宿鸞鳳古柏閱千秋相期餐栢葉更與赤松游

香葉樓

壺中別有天仙人所棲託我來叩壺公祇乞壺中藥

壺隱房

白雲聊自怡安居此中好餐霞臥雲壑玉顏長不老

怡安居

畫中移石居是我題詩處不見許遠遊老鶴橫江去

移石居懷

許師竹

我有懷仙閣停雲百鶴來與君談妙法花雨下層臺

法雨山房

斗姥閣望太湖

玲瓏高閣八窻開對面青山翠作堆應有仙人遠相訪白雲飛過太湖來

香山

吳王種香如種田吳女採香如採蓮種香滿山還滿谷採香滿堂復滿屋採香之人氣亦香彷彿迷迭兼都梁玉體自香不須採臺上更有施夷光嘗膽已破薪亦濕採葛未終還採戢香草叢叢越兵人

山中聽雨

山中一夜雨四壁作泉聲雲氣窺窻入飛流阻客行瀑兼殘雪下風挾亂松鳴西望還元閣梅花夢不成

山中羽士約爲鄧尉之遊以雨不果

鄧尉梅花放仙人約我遊如何香雪海偏阻水雲舟山雨沉胥口湖烟暗石樓終當買蓑笠漁隱勝封侯

胥口愛姬祠

計斷宮闈寵戎心啓闔閭生憎孫武子多事著兵書報楚謀方急深心舉將才終因美人死我爲屬鏤哀自是君王誤無端試女戎西施與鄭旦轉眼沼吳宮冤憤千秋在春山響杜鵑至今祠外月雙冷玉波連將至漢皋連夕家人置酒相餞賦此留別

連夕家人餞別筵春燈紅照酒尊前也知去路仍來路所
願今年勝去年芳草天涯仍楚國桃花春水又吳船蘭陔
好侍高堂膳更爲笙詩補一篇

華陽洞天女仙歌

華陽洞天仙所居中有三宮兼五府易遷含真兩仙宮不
住仙男住仙女華陽仙派女所傳郭君受法西王母楊羲
經誥本南真靈筆書成妙規矩應運爲儷安鬱嬪匏爵姻
緣天付與許掾全家道氣濃前有遠遊後玉斧紫微左宮
王清娥蕊佩蘭堂貽術敘就中教領黃景華協晨位業嫺
珪組領學仙妃趙素臺自愛逍遙謝冲舉韓太華寶瓊英
劉春龍李癸子皆舊家彷彿城南說韋杜八十三人半有

名王進賢郭叔香田六出王太微陶智安李飛華柳妙姬孫芳華阮惠香張姜子李惠姑施淑女鄭天生又含真

臺二百人名字可考者八十三人總之者張微子傳禮和也

玉佩金璫好眉嫵大都貞

孝作神仙世德清芬功行苦更聞妙真歸燕洞亦有寒華號羅姥後來知更幾真靈萬花仙籙羣芳譜年來性命叅圭旨珠玉丹經溯鍾呂金蓋仙人是本師示我道程容接武緣分鄰樹魏壇前口訣遙傳青鳥語香壇親侍古華陽祇惜雲山隔吳楚篋中一卷女丹經玉清神姥慈恩普我爲親書付手民分贈仙山舊徒侶他年同入蕊珠天笑譖鷗波吾與汝不然仙籙專司玉女名驟鸞去作蓉城主

華陽仙跡詩

高辛世代遙紀年昧古史學道居伏龍華陽餐白李試問

展上公何如廣成子

展上公高辛時人嘗曰憶在華陽食白李異美忽已三千年矣

頭銜岱嶽樹采地渚宮花乃學葛稚川句漏求丹砂手種

五辛菜亦似青陵瓜

姜叔茂秦巴陵侯於句曲種五辛菜以市丹砂

匡君與菲君弟兄皆得道燕人郭四朝雁行同不老至今

郭千廬塘水波渺渺

郭四朝燕人兄弟四人居伏龍之地並得道

初成老孫子一一抱仙骨一鶴棲一峯仙任泣吳越金庭

好洞天中有真靈窟

茅盈字叔巾周字季偉裏字思和並治句曲世稱三茅君也

楊君善真書妙過逸少逸四十七真人真訣付仙筆更有

九華妃應運作靈匹

楊羲字義和衆真降授真訣皆其所書今黃素黃庭經是其迹也九華妃

安靈簫也

菲家有兄弟許家有父子全家道氣濃雷平溯遺趾遺經

入剡中可惜黃民死

許穆字思立子剡字道翔小字玉斧黃民玉斧子也

華陽諸仙真真白爲我師刀圭贈仙藥夢中親見之丹經

真誥外他年鸞鶴期

余病中夢見真白師贈藥服之而愈近侍香壇以真誥問云立功德爲最

要真誥尚非入道之門

東華居上清香几書鳳爪門下兩女真焦謝皆美好我作

大鵬賦誰爲希有鳥

司馬承禎一名子微字道隱撰真白碑陰記及修真秘旨焦鍊師謝自然

皆其弟子大鵬遇希有鳥賦太白作以贈子微也

妙真師隱居寒華師廣平仙家女弟子淵源甚分明問字

金釵侶丹經訪碧城

錢妙真師陶隱居孫寒華師杜契皆仙人女弟子也余新得女丹經將梓

以行世

上清嗣宗師四十有五代國子先生贊靈笈紛金薤至今

五百年真仙更幾輩

菲山四十五宗師贊
元國子祭酒虞集撰

一卷華陽志作者劉玉虛吾鄉張外史靈筆亦工書浴鵠

灣前路仙人有舊廬

菲山志劉大彬撰卽第四十
五代嗣師也錢塘張伯雨書

吳興懶雲子金蓋演心燈都講顏如玉親傳玉佩經他年

敘仙派第一數娉婷

金蓋心燈閱師懶雲所作師所著丹
經余得之蘭雲夫人亦如萼綠華之

授羊
權也

華陽詩云所欣慈母健漫爲愍孫愁洞裏桃源主心

田五鳳樓挂帆采石碣酌酒擁貂裘只此自能足天

空何處鷗敬步原韻

茆檐生計少苦爲衆生愁來住瓊花觀去登黃鶴樓林烟

邀補衲江雪夢披裘更憶修真侶鷗波此一鷗

又詩云前生本有舊愁腸今賦詩才煥彩章健翮不
因風趁勢種花端爲露含香白頭堂上萱猶茂黃口
尊前藥漫嘗分付靈臺勤拂拭心香一瓣禮空王敬
步原韻

也是吳兒木石腸偶將花月託詞章陔蘭自種延年藥籬
菊長留晚節香深悔閒情誤溫李肯將豪舉學原嘗放懷
山水斯文在最憶琅邪大道王

又詩云天空何處鷗人生須退休花翻癡蝶軟竹靜
晚雲留小屋亦樂耳浮塵可破不華陽開講席漫爲
此身愁敬步原韻

天空何處鷗何日與歸休未免經年別還爲一夕留浮生

如寄耳仙境有緣不明月揚州夜無歡祇照愁

文尼詩云不論居官夾道呼人生誰自出泥塗幸辭
組綬歸彭澤漫向君王乞鑑湖關外三軍開幕府橋
邊隻履授苞符此行千里江如練回望青青草色蘇
敬步原韻

來牛去馬任人呼歷盡危程或坦途所望餘生安隴畝那
堪遲暮又江湖三生慧業蓮花座一瓣心香竹葉符白髮
衰齡黃口稚漢皋東望是姑蘇

呼猿洞主和前韻云來牛去馬孰相呼閱徧塵寰盡
險途但得有方修性命何妨浪跡走江湖前生慧業
添香吏此日靈心調水符珍重白頭與黃口漫愁千

里隔姑蘇並云拾爾牙慧開爾心花調寄弄簫史再
和一首

古洞靈猿未可呼江帆挂月又長途安期採藥尋三島少
伯浮家泛五湖夙世金仙依法界何年玉女下天符南歸
倘有湖山福或許寒泉配白蘇

又云弄簫史華陽小霓裳譜中曲名也五音譜奏天
籟自生非近世可比因題一首

空中仙樂動清商何處秦臺下鳳皇一曲瑤天弄簫史華
陽新譜小霓裳

華陽別館詠梅

幽絕華陽館春風幾樹梅高枝橫雪霽疎蕊臥烟開影澹

濛濛月香殘漠漠苔定邀仙侶賞鶴駕一徘徊

舟中贈郭蓮舫

堂

楊炯詩稱傑

謂子堅

嚴維句欲仙

謂麗生

更逢京峴客同載漢

皋船吳楚樽前雨金焦夢裏烟分明兩黃鶴振翮入寥天

和作

丹徒

郭堂

蓮舫

悟得因緣理緣深遇謫仙雲霄香案吏書畫米家船臥聽吳江雨行看楚澤烟青鸞與黃鶴同入次寥天

蓮舫以劉文清公楷書貞白華陽頌見贈敬題一首

華陽隱居古神仙隱居卽在華陽天郭君示我華陽十五頌筆勢縹緲如雲烟云是東武相國之遺墨烏篆欲飛蟲篆蝕山中白雲不可見如見隱居古顏色華陽之山山應

圖郭家供饌通天厨金陵句曲卽地肺燕洞中有仙人廬
蕭閒宮與含真館仙山樓閣春人暖靈簫墨會幾番來玉
女牕扉白雲滿我昨來待通元壇賜我妙筆垂飛鸞神方
云在真誥外中有紫霞絳雪之神丹蘿月松風識名字相
國當年眞愛士神仙富貴兩茫茫翰墨因緣此知己黃鶴
梅花遂未邀山中雲樹鬱岩堦福鄉之柰勞相贈應是當
年郭四朝

夜泊石城橋聽雨

江城春夜雨竟夕響瀟瀟吳榜頻移棹秦淮正頂潮撥爐
香篆爇歌枕燭花銷水閣人何處垂楊舊板橋

金陵訪懶雲師不遇

雲暗三山雨花明六代烟此中見城郭何處住神仙黃鶴
留蹤地青鸞小謫年元關孰真諦口訣望親傳

秦淮柳用羅浮道士韻

又見秦淮柳千條復萬條樓臺嬌北里烟雨畫南朝春色
橫長笛微波蕩短橈扁舟慣來往好趁鯉魚潮

金陵節院呈陶雲汀官保

六朝山翠滿書楹坐攬三江擁百城萬里儲胥經國計八
州作督舊家聲詩兼李杜真才力文得韓歐古性情近爲
司農理鹽筴玉衡心事在持平

江上寄雲姬

心與青山伴客行畫樓迢遞畫船輕晚霞艷作衣裳色春

雨細聞環佩聲兩地相思如此水一生所得是多情憐他
江鏡明明照天半蛾眉月又橫

晚泊紫沙洲聽雨

春水遠連天春江晚泊船雨聲來枕上雲氣落牕前道味
回仙棗禪心淨佛蓮明燈照無夢何事擁衾眠

鳳皇洲守風

風利亦須泊迴帆古渡頭春星自遙夜明月此扁舟書寄
青鸞閣尊開黃鶴樓謫仙吾與汝記泊鳳皇洲

霧

亦是鴻濛氣川原障蔽深長江流浩浩大地影沉沉彼岸
窺難見前程杳莫尋寄言求道者卽此驗凡心

河豚

萁蒿滿地蘆芽長
江上河豚初出網
紅船泊岸守東風
喚取漁郎蕩雙槳
囊中三百青銅錢
漁兒漁女誇芳艸
樓朝烟出翠釜
玉匙滑笏膏流涎
小腹膨亨得豚意
非豚而豚有豚味
有客當筵恣朶頤
羊酪遜甘酥
遜臠春江二月
桃花開江頭收網
漁船來家家飽食
等魴鯉蘭陵春酒
流霞杯異味由來
多鳩毒食譜何勞
評水族蘆葍生兒
芥有孫莫以肥甘
殉口腹我是華陽
學道身野塍蔬筍
飽芳春當筵莫薦
西施乳恐是吳宮
傾國人

蓬牕玩楚山清曉有寄

楚江靜無波
楚山破清曉
楚天明鏡中
澹影蛾眉掃
我泝

江流第幾灣
篷牕清暇對青山
美人湖上人如玉
憶煞湘人雙翠鬟

春江花月夜

春江花千樹
萬樹矜芳華
帆檣高下壓
錦浪川原遠
近蒸紅霞
春江月玉鏡
團圓海東出
晚山斲處彩
雲生綠烟滅
盡清輝發
春花得月花有光
春月到花月有香
春江水煖雙
鴛鴦春夜亦如春
晝長我行江上
當春早不見江
花見江草起看
江月向人低照
我縣縣思遠道
君不見江南二
月春正中桃花
李花能白紅紅
闌翠幕互相向
樓臺無處無春
風雙髻雙鬟盡
佳麗潑眼花光
照珠翠折花行
酒踏花行一曲
新聲勸君醉玉
笙吹上圓月圓
月華瀉水花含

烟驚鴻舞罷舞回鶻落英點點飛瓊筵噫吁嚱月地花天
美無價月不長圓花易謝平泉金谷誰臺榭黃龍青雀空
英霸浩浩江流日東瀉莫唱春江花月夜

江上聞角

一江花月換邊愁回首前塵二十秋重向深宵尋獨戍依
然斷岸泊孤舟吹簫紫塞征人騎擲筵紅闌少婦樓聞道
西師銷戰伐幾人辛苦博封侯

避風華陽鎮紀事

前日酷熱若盛夏今日峭寒若嚴冬頽雲釀雪未成雪竟
夕橫雨兼育風夾岸桃花應風信昨日逆風今日順順風
過大行不得避風來泊華陽鎮華陽應是仙人居此間或

有仙人廬我是華陽仙弟子華陽真逸同華胥來朝風利
不得泊青鸞振翮招黃鶴題詩先與寄匡君扁舟直指潯
陽郭

潯陽雨泊

潯陽九派下江關城郭溟濛暮雨間舟子落帆識湓浦故
人高枕話廬山琵琶夜響曾經聽楊柳春深又可攀我亦
青衫舊司馬年年來往損朱顏

夢遊廬山謠

廬山到眼不肯邀年年空憶廬山高謫仙去後一千載夢
中更作廬山謠廬山之奇奇在山五老抗手層霄間香爐
雲起生紫烟隔斷空靈縹緲之烟鬟奇處在山尤在水直

下銀河收不起蒼龍飲瀑勝天台三石梁橫綵雲裏匡君
兄弟皆神仙登真應在茆君前山中至今舊廬在鶴歸華
表知何年晉代高僧白蓮社虎溪三笑青林下夜靜東林
一杵鐘至今應有談禪者我行屏風北還過屏風南屏風
深處留茆菴仙人采藥見兩三雙髻簪花衣翠羽山中仙
人多玉女就中相識李騰空亂踏松花隔烟語語我仙之
人呼我雲中君云我書堂有遺趾松風不隔青山雲汲清
泉兮煮白石揮手還招採芝客一雙童子弄鵝笙吹徹玉
鑪三澗雪雲岫烟巒深復深夢遊天姥續微吟他年高臥
青鸞閣一枕遊仙或可尋

夜過琵琶亭

臨道言言選卷二十九
隔岸琵琶漸作聲東風吹我片帆行水因得月更無際山
解生雲初有情翠被中流青雀舫銀燈小譜紫鸞笙已消
人世升沉感期與仙翁話玉京

重過赤壁

獨對青山數舉杯無邊春色片帆開黃州夜月人何在赤
壁東風我又來詞賦當年原有數英雄往事儘堪哀繞枝
烏鵲橫江鶴一樣茫茫去不回

過崇福寺

月湖隄畔草生芽門外東風萬柳斜如是我聞惟貝葉此
中人語有桃花仙壇飛白思金盞隱岫橫青夢玉遮隔岸
春山話梅子放舟還過隱君家

送范松亭蔣竹亭入蜀

春江花柳記郵程辛苦勞君入蜀行
三徑草堂尋舊約五湖烟舫寄遙情
峽中風雨黃陵廟雲裏山川白帝城
我在漢南苦相憶峨眉山月最分明

蔣村自滇南歸見過

一路看山到點蒼此游蹤跡甚徜徉
閣羅鳳去唐碑古縹碧雞來漢道昌
片石雲生隨驛騎百花香早壓歸裝
羨君親侍宜園席添得琅嬛字幾行

話到宜園我所思宜園事事總相宜
百年師弟三生石萬里關山一卷詩
桃李池臺花爛熳雲霄羽翮鶴襍褻
西湖烟水西溪樹回首春華感髣髴

琅嬛師以大理石屏見寄題曰仿巨然雨脚圖賦此
寄謝

日脚欲行雲脚住露脚斜飛濕寒兔晴湖不如游雨湖山
雨欲來山欲去山氣黯澹山模糊長風吹雨雨脚粗青林
亂飛銀竹直疑有繁響敲楸梧絕似當年巨然筆襄陽雨
山從此出天公墨戲太奇肆幻入點蒼山下石琅嬛先生
官滇池遠寄此石宜有詩西臺三壽共茶隱知君宴坐宜
園宜宜園佳處恣遊賞此石攜從蔣村蔣陽春有脚遠能
來卓立虛窻伴書幌石不能言畫似真剪燈閒話小蘭津
夏山欲雨湘烟霽我是琅嬛讀畫人

清灘石壁圖詩和琅嬛師集中作

蒼梧灘水上有畫山絕壁如削青綠相間天然名
繪師過此題清灘石壁圖五大字及道光三年阮
元題七字畫山之名乃稱其實集中有詩敬和一
章

先生遠放灘江舟去看灘江石壁畫灘山之高幾千仞寫
入丹青幻靈怪橫空絕壁照江水巨筆何人掃烟黛上有
奇雲生縹緲下有飛泉走澎湃荆關董巨逮倪黃疑有山
靈導宗派畫山豈與真山殊畫山之名况千載先生愛畫
有畫緣管領石渠校金薤過眼雲烟盡寶笈此圖更喜青
天挂獨將椽筆與題名從此寰中知寶繪祇有岫嶠神禹
碑書林畫院稱前輩襄陽愛石見此無見之定應低首拜

我是琅嬛讀畫人夢遊先跨青鸞背

原作

阮元

夫成半壁丹青畫幡然高向青天挂上古何人善畫山
似與荆關門名派此派渾同後世皴造物翻師唐宋人
認作名山反如假審爲古繪竟成眞縱橫量去成千尺
五丁直削平無迹古絹依稀染澹黃巒頭重疊分青碧
清灘一曲繞山流來往何人不舉頭六年久識奇峯面
五度來乘讀畫舟石渠寶繪幾千卷天上雲烟曾過眼
何幸湘南見此山眼福如今還不淺山旁刻石擘窠書
鑒賞標題始自吾後人來看道光款傳出清灘石壁圖
青鸞閣下營斗室奉陶濟二祖像敬誌一律

由來仙佛本同源珍重雲龕護網軒舊向華陽舉瘞鶴新
從靈隱證呼猿香壇問道留丹訣米汁叅禪奉酒罇他日
梅花營丈室寶雲山麓識離門

重修巫山神女廟落成書事

神女名瑤姬西王母第二十三女師三元道君得
回風混合萬靈鍊形飛化之道受上清寶經位爲
雲華上宮夫人管治巫山若第十三女雲林夫人

申林名姬

之治滄浪第二十女紫微夫人愈意

清名

娥

之治羽野也禹導岷江至瞿唐爲上古鬼神龍

蟒之宅護惜巢穴作爲妖怪風沙晝暝迷失道路
仰天而歎俄見神人狀類天女授以太上先天呼

召萬靈玉篆之書且使其臣狂章虞餘黃魔大翳
庚辰童律爲助於是呼吸風雷役使神鬼開山疏
水無不如志見禹穴紀異及墉城集仙錄與黃帝
征蚩尤立女下教授兵法其事相同與蒼水龍威
岫嶠宛委諸書亦相類也自文選載宋玉高唐神
女二賦詭託夢寐污蠛真靈王逸哀輯楚辭無此
二篇宋馬永卿以爲兩晉鮑生所僞撰昭明無識
登之文選文人口孽流傳至今祠在飛鳳峯麓唐
儀鳳元年建宋宣和四年改號曰凝真觀紹興二
十年封妙用真人余子裴之舊爲華陽夫人詩本
此立說語頗詳盡思重葺上廟未果今年夏內弟

龔君繡山踐汪君雲初之約移寓江東汴下聊在
焉與同人葺而新之屬記其事旣爲文書之樂石
復爲此詩

右英姊妹侍瑤池更有瑤姬絕世姿碧海穠花簪鳳髻玉
天新月畫蛾眉金臺寶籙傳嬌女石室璇圖秘少姨閒與
麻姑話塵世春紅又上萬年枝

當年文命導江流天險瞿唐路阻修穴底波濤龍蟒起峽
中風雨鬼神愁雲旝暫駐羣靈集玉篆親書萬怪休絕似
兵符授元女軒皇桐鼓靖蚩尤

夢寐由來事渺茫騷人詞賦太荒唐頻將天上金仙品寫
作宮中綵女行高髻解粧雲片濕細腰罷舞雨絲涼楚風

多謫山來久曾有桃花怨夕陽

羽衣俠侍總如花鸞擁春旗鳳擁車蘭兒陳根萬瑤草蕙
楊新字篆雲華斑麟輦過留遺跡青鳥書來憶舊家十二
碧峰都歷歷玉笙吹散暮天霞

四明樊榭石屏歌寄謝琅嬛師滇中並謝劉默園觀
察石圓式圍三尺六寸徑尺二寸巖壑林樾歷歷
如繪琅嬛師得之滇中題曰四明樊榭並跋云此
石向明照之見天光山影皆能瑩透且壁內有數
窓惜不及贈厲太鴻以太鴻所居名樊榭山房也
觀察寄余漢上並索賦詩樊榭以漢劉綱妻仙女
樊雲翹所居得名故詩中及之

海內洞天三十六赤水丹山好巖谷

四明山名丹山赤水之天見洞天福地記

朱鳥窻櫺面面開中有仙人顏似玉仙人玉鼎煉丹砂山

甫風詩說舊家肌雪眉雲塵世少瑤池何似婉凌華仙山

樓閣緣高下凝粧別起仙人樹匏爵姻緣說卯金青冥鸞

鶴應停駕更有雲英小妹嬌乞漿人問古藍橋神仙眷屬

應來往吹過秦臺弄玉簫雲窻霧閣橫春碧幻作點蒼山

下石我欲題詩付裊烟雲母屏風應不隔琅嬛仙客本仙

官金馬滇池上將壇嶽貢川珍深護惜宜園開共異書看

寄我團圞一明月中有丹青好林樾漢皋羈旅正懷鄉夢

魂一夜飛吳越許椽全家道氣濃

唐人句

近從駐鶴禮仙蹤

室中亦有姬姜在前世同居玉局中

管姬靜初近亦好道駐鶴壇樵雲子言與

余前世同玉局校籍渴飲玉泉飢食棗中有仙人長不老便將石盡

當神廬石姥石公都好萬里勞君遠寄將摩挲石鏡有

輝光不須更贈錢塘厲紫府真人弟子行

宋文正公謂師前世是紫府真人故

云

黃鶴樓禮 呂祖像

君乘黃鶴我青鸞同是雲霄好羽翰幸我前生曾玉局知
君隨處有香壇求仙不信長安遠度世真如蜀道難偶向
高樓橫玉遂暮霞無際倚闌干

寄守性吳門

姬人管靜初皈依駐鶴壇賜名也壇師樵雲子盲
姬與余前生同玉局校籍命刊玉經及任葆元堂

掩埋數年書來相告悉屬遵行駐鶴蘭雲奉 呂

祖壇名也

今生同向香壇侍前世都從玉局來爲我持家遲佛果知
君學道有仙才函經不惜金釵盡坏土能銷白骨哀正憶
瑤清舊儔侶封書且付鶴飛回

哭季弟謙谷

盼得書來淚滿襟楚天風雨急秋砧脊令頌缺何從補棠
棣碑殘不可尋鳩毒沉酣原損氣謂鴉片蛾眉謠詠況驚心
到頭一著知應悔祇是膏肓病已深

哦松詠瀨本閒曹何事登場興太豪愛駿自調支遁馬淬
鵝長佩呂虔刀氣雄欲碎千金璧志大思乘萬斛艘所惜

中年遲學道不將莊列換離騷

也耽風雅寄清狂金石圖書貯滿囊醫術頗諳張仲景畫
禪曾仿郭河陽人緣太淺嗟何及我相偏多惜未忘贏得
衙齋吟讌處一株連理臘枯桑

湘雨湘烟夢採蘭華胥小閣臥青鸞腹心付託君焉藉骨
月調停我亦難差幸諸雛皆就塾所冀老母勉加餐隻身
東望如孤鶴長唳寥天羽翮寒

贈趙芸酉孝廉

中嘉

甌北先生孫也

兩朝壇坫重江東角立三家鼎峙雄乃祖高名駕袁蔣此
君才筆敵孫洪應詹造表詞兼美劉勰論文體並工自是
咳餘家學在豪端容易吐長虹

南樓風月小平津

客廬厚山宮保節署

記取相逢漢水濱世以無雙

推國士天留第一待才人幾番白雪廬前調行見青雲步

後塵更向吳門懷蔣詡微雲佳壻快無倫

君爲蔣君于野館甥故云

序伯調生選余詩爲精華錄錄本見寄詩以謝之

我詩那得有精華勞爾披金細揀沙山谷偶然工綺語漁

洋敢說是名家

山谷漁洋皆有精華錄

知從清曠留眞鑒曾有嬋娟

選碧紗

辛瑟嬋選余詩人國朝詩品

祇恐虛名又銷福休將玉版鏤紅

牙

漢口水災紀事

湖水

洞庭湖

從南來漢水從西至大江貫其中枝幹互經緯

滄海百谷王善納理無二萬派共朝宗歸墟渺涯涘如何

比年來易滿若欹器下盈上乃溢幾無乾淨地昏墊類洪
荒水官嗟失位

漢口江漢交一洲渺然小百貨所走集屋宇遂華好後湖
水所蹢歷歲波浩渺一隄亘東北隱若長城保豈知積雨
久愁霖失昏曉水勢漫隄來驟若三峽倒平地成澤國中
有萬家殍

漢水本入江江乃不受漢此中有原委上游先浸灌武陵

楚名郡

常德府

一城沒其半仙人桃花源田廬亦汗漫上水

終下注象占風水渙水方本有程廣狹計尺寸四顧乏籌
策登高惟永歎

來水日以長去水何不消所憂在揚郡下游若堂均河淮

既隔絕黃流天上驕全淮盡南注江水增滔滔緣江數千
里競起龍鼉蛟皖伯國在上秣陵城亦高近聞城市中處
處浮輕舸

飄風不終朝驟雨不終日自從入伏來杲杲見日出水從
晴後長低處盡汨沒敝居頗高峻流潦滿堂室更苦消水
遲不同長水疾水定已數旬浸猶十六七兼之消更長懸
釜炊烟濕

水災異旱災災民苦太多死者長已矣生者當如何有屋
不能居奔竄趨山阿炎風吹烈日毛髮如枯禾斷竹與敝
席草草支行窩瘼斃日百十藁葬綠坡陀人鬼相枕藉令
我生悲歌

頤道堂詩選卷二十九

三

百姓若兒孫官長卽父母際此患難中望恩亦孔厚汲黯
古賢者發倉應恐後任人勿懷疑懷疑動掣肘任事勿避
嫌避嫌動束手川中歲大熟百錢可一斗乞糴倘速行猶
可活八九

五行互生尅偏勝則爲災水災屬陰沴本自人心來孽重
災亦重見之心肝摧不見更何限觸耳增悲哀願天生好
人各偉德與才願人行好事勿恃勢與財人心真悔過庶
卜天心回

吳人葉慶祥善吹笛居漢上未相識也遇水災攜其
二女棲遲路隅張君愼庵言之余余日以百錢贍之
並爲寄二女鄰姥家旣而慶祥病招居寓廬藥之勿

愈爲棺瘞之梅子山如來閣左二女長曰喜十二齡
次曰歡十齡孝而慧爲訪其戚歸之作此以記其事
桐棺三寸傍祇園嬌女雙鬟涕淚痕真似匏瓜共匏蒂休
言桃葉與桃根願他完璧長連理嗟爾銜環說報恩梅子
山前斜日路一聲長遠儘消魂

廣寒宮闕石屏歌

人天隔斷清虛府山河倒影窺鵝樹金風吹動玉波涼惟
見流光照庭戶玉輪碾雲如碧紗寒簫最小嬌秋花嫦娥
獨處皎如月不是陳宮張麗華仙人示我一明月玉匣寒
凝鏡光出山骨何年斲點蒼中有蕊珠舊宮闕我昨夢中
遊廣寒不乘黃鶴乘青鸞樓臺彷彿碧城碧高下十二紅

闌干夜夜清光十分滿秋宵留伴華胥館
覓殘譜屬誰家渡江更問羅公遠

鸞臬歎感漢上近事而作

昔之臬兮以爲鸞兮棲梧桐兮啄琅玕兮
今之鸞兮以爲臬兮既取子兮又毀巢兮
羣鴈之蔽空兮兩鶴之隨風兮五色之迷目兮五聲之亂聰兮鳳兮鳳兮將安從兮

青鸞閣坐雨

誰將殘暑掃池臺聊爲新涼進酒杯
壓屋亂雲將暝至隔江飛雨送秋來
鶴聲宵警三更露龍氣秋騰一夜雷
多少篷樓眠不得流亡未復最堪哀

寄懶雲師秣陵

何處傳仙籙雲山隔幾重元珠求罔象紫氣望猶龍書隱
留眞訣元言證合宗棲霞開采藥應玩六朔松

學道誠余志還丹媿未能書仍理雲笈游未息紅藤業託
漁樵侶禪叅粥飯僧龍門有宗派金蓋問心燈

聞蘭雲有袁江之行賦此奉寄

仙山樓閣住雲翹樊榭金庭路未遙曾向香壇傳玉斧久
從墨會識靈簫青冥鸞鶴扶霞帔碧海蛟龍避畫橈我欲
隱書談口訣歸帆先待彩雲橋

漲後過崇福寺訪桃花夫人塑像

祠門仍對月湖開半朽朱闌漬綠苔荒榭更無游女過陰
廊賸有野僧來蟲隨墮葉緣欹壁鳥掠空枝下廢臺欲就

麻姑問滄海幾回清淺隔蓬萊

古跡詩二首和石甫

荊州石馬槽

荊州石馬槽云餉關侯赤兔馬名馬遇名將顧影長嘶石
槽下侯之浩氣青天虹此馬亦是天池龍槽邊誰省舊芻
秣房星耿耿天當中石馬槽漢家石當年餉馬留遺跡君
不見洪山西去卓刀泉一泓古水澄寒碧

洪山卓刀泉相傳爲侯卓刀處

峴山墮淚碑

豈有酖人羊叔子鈴閣蕭閒數人耳輕裘緩帶意翛然儒
將風流乃如此吳人性柔易感恩公以仁愛柔吳人後來
東晉衍殘局尚賴半壁江南春一角峴山青澹泊公昔所

游境瀟灑何處猶存墮淚碑登臨我是題詩者

重九得潘紱庭書知賓谷使歿於都門感賦二首

無端紙上起商音回首邗江古樹陰嗟我懷人方落帽感

君流涕話題襟三年香火同官閣

君官巖使余宰江都

一序琳琅重

藝林

君爲余撰詩序

華屋淒涼換華表玉棺誰返故山岑

琴不更張未可彈空勞籌策奉心肝敢逃臣罪千鈞重所
賴

君恩一綫寬事去始知當局誤年來更覺理財難疏方或

有良醫在未信無人勝此官

兩淮鹽災財賦之源愈治愈勞遂成錮疾是可歎也

答趙竹庵錦城見寄之作卽用原韻

萋萋衰草賸孤洲聞道征帆此暫留萬里春陰憐薄宦一

江秋漲動羈愁尊前感舊曾題壁
遂裏懷人尚倚樓我已
年來倦腰腳仙經終日問丹邱

原作

吳江趙桂生竹菴

涉江杜若滿芳洲壇坫詩人宇內留
一室元龍湖海氣
百端洗馬古今愁仙家眷屬三珠樹
名世文章五鳳樓
布袋出山行腳始龕燈來拜老比丘

竹庵以昭烈武侯陵廟志見寄感題一律

君王陵寢傍卷阿丞相祠堂靜薜蘿
銅鼓詩篇新卷軸翠
華宮殿舊山河樓桑寂寞英雄逝
廟柏陰森涕淚多極目
錦城天樣遠一編教共夜鐙摩

輓郭頻迦

騷雅靈芬竟若何
白眉才調羨君多
海鮮味俊江珧柱
佛國花香優鉢羅
詞客飄零悵烟水
酒壚寂寞渺山河
少微墮後晨星少
巖壑無人共歎歌

寄山中故人

故人送別舊柴扉
手種梅花待我歸
芳草自憐爲客久
暮雲何事寄書稀
孤鴻江上寒頻唳
獨鶴天涯翅亦飛
昨夜草堂香雪夢
西溪烟水話漁磯

武昌遇蔣伯生卽送至楚南並寄麗生長沙

月華明楚水
蘭氣澹湘烟
一詠汀州句
詩情坐渺然
月華水蘭氣澹湘烟伊墨卿寄韓桂舲楚南句也
雁聲武昌郭
帆影洞庭船
記取登臨處
離懷極楚天

仙人吹簫處江上兩飛樓君去巴陵道應停鄂渚并荃蘅
原勝地萸菊正高秋詩就應相寄長吟付夢游

滄浪吾好友宦況近如何琴韻曾三疊騷情更九歌殘碑
尋嶽麓斑竹詠湘娥早晚音書便衡陽有鴈過

伯生以生平游跡屬改七香寫雲萍小影極烟霞羅
綺之致乙酉春日余客袁江曾爲各題一詩今年重
遇漢上出以見示因補錄於左方歲月不居翰墨如
舊雪泥鴻爪當亦同此惘然耳

鄧尉山前萬樹梅看花能得幾番來烟痕澹遠橫香雪月
影橫斜掩綠苔藜杖聲沿潭北轉草堂門傍崦西開虎山
橋畔銅坑路我亦曾經載鶴回

鄧尉探梅

一枝橫筵臥天風星壓衣裳露濕篷帆影到門潮拍岸松
陰滿地月當空名題絕壁蒼茫外人倚危闌翠靄中我與
詩僧舊相識幾回清歡落江東

松寥看月

美人雲影美人湖碧檻紅闌好畫圖池上釵光明似玉林
間花氣潤如珠辰樓仙侶拈華袖甲帳靈修颺繡襦我是
西泠舊詞客絳紗都講總名姝

湖上嬉春

殘燈同話雨中船一角紅樓隔暝烟暮色壓蓬雲氣濕微
波蹴浪水紋圓夢回蔣捷填詞處人憶韋莊感舊年廿載
蘇臺曾小住洞簫聲斷更淒然

胥江坐雨

彷彿明粧出若耶畫船行處盡荷花好音送客紅襟燕古
跡留名白鼻騮四面簾櫳眞瀟落兩頭簫管儘風華西京

人物南皮讌應有新詩上碧紗

馬湖結夏

陰深古洞白雲封知是潛龍是臥龍絕壁倒垂紅樹瘦題
名橫掩翠苔濃鳳巖夜月空千里誰華秋寒自一峰更憶
天台老詞客泊城烟雨隔湖鐘

龍洞尋秋

魚山西上古東阿茆屋荒寒帶女蘿八斗才高開賭酒四
絃聲急靜聞歌銷魂翠袖傳花急殘淚青衫落葉多惆悵
當年題壁處重來殘墨奈愁何

東阿賭酒

殘絮隨風濕畫闌梁園雅集舊騷壇五君新詠顏光祿七
子才名漢建安珠樹瑤林同綺麗玉樓銀海共高寒驟鸞
舊侶飛鴻跡老輩憐才似爾難

西園對雪

題錢牧齋柳如是東山倡和小像

呂海山作顧云美跋東山半野堂後土山也亦伯
生所藏乙酉年題

詞客偏多末路哀美人亦是出羣才文章身世餘金管家
國滄桑賸玉臺紅豆花開香滿樹絳雲樓圯劫飛灰當年
拂水春巖路曾訪薜蘿舊塚來

伯生昔官山左緣事謫戍軍臺攜其兩姬赴戍七香
爲寫穹廬倡和圖亦乙酉春所題也

戍角聲寒第幾臺白狼河上白龍堆畫中添寫桃花雪雙
蛾眉出塞來

出塞春光到柳枝天山顏色奪燕支玉臺雙管風雲氣壓
倒黃河遠上詞

兩行征雁月中笳一曲新聲陌上花莫笑填詞窮塞主勝
他行炙進琵琶

分明海市湧重樓萬頃波濤萬斛舟我亦當年有豪舉雙
攜翠袖到瀛洲

晚登黃鶴樓

更勸仙翁酒一杯彩雲東望月華開亭前有客曾貽棗
裏何人更落梅白石青鸞頻歲住青天黃鶴幾番來香山
舊有蓬萊約好覓桃花到處栽

錢塘汪逸珠女史爲余寫采芝仙女小像神采艷逸
芸西謂似其佳偶蔣紫葳紫葳故人于野女也因題
二十八字贈之卽送歸毗陵

知是驚鴻是采鸞采芝歸後佩珊珊分明第一仙人影好

向芙蓉鏡下看芸西將應禮部試故云

武昌節院呈盧厚山宮保

昔在琅嬛館剛逢蕊榜開關河鍾間氣畿輔出英才心跡

盟懸鑑光華燭斗魁珠聯應星象今日接三台公已未成進士雲臺

師為總裁今師督雲貴公督兩湖同時與師並為總督者惟公一人是科太史奏日月合璧五星聯珠為非常人文

之瑞故得士多偉人

從獬長楊日親轡兩石弓鵝黃千騎雪孔翠一翎風灤水

秋濤白鍾峯旭日紅山莊曾作賦回首五雲中公官兵曹灤河

扈 蹕之役宮門校射即荷 賜翎嘉慶壬戌余從雲臺師至灤作避暑山莊賦

官輟經寰宇恩膏到處敷使車周四嶽雅量納雙湖公宦轍所

經恆岱衡華及其區
洞庭皆在封圻之內
照膽懸金鏡澄心澈玉壺
好官天下
一此語古今無
公官山左初願園尚書目公爲天
下只一好官上達
府廟宸聽

往歲西陲事
王師賦遠征河源春洗馬雪嶺夜屯兵轉

饌關山遠籌邊驛路平
盧楊兩人傑一樣
國長城
丙戌

喝爾之役西域用兵公畢經從戎駐節肅州轉餉供億未嘗缺乏功竣報銷絲毫無悞楊謂今陝甘總督時齎官保

杓轉三春節恍輕萬斛船雲移吳苑月星潤楚江天叱馭

王尊略開倉汲黯權回春
春漸到從此屢豐年
公甫下車卽詣荊州

勘隄既而水果大至又江漢並漲災區甚廣公並悉心區畫民困以避

五載青鸞閣三層黃鶴樓無端遇裴相差勝識荊州證許

當筵論方容借箸籌鹽梅待調燮計日卜金甌
述寓漢上五年矣蒙

公屢以離事見詢青鸞閣寓處小樓額也

武昌夜雨贈劉默園觀察

高齋聽夜雨獨臥武昌城遠漏沉沉斷殘燈耿耿明嫵因
詩境少靜覺道心生不作登樓賦依劉最有情

題鮑雙五侍郎桂星遺集

三十年前事春明屢見君賦如蕃錦麗詩有異香熏淅淅
聽寒雨沉沉黯暮雲宵分類翦燭惆悵讀遺文

漢上葭莩在名家有女孫君女孫蘭芬能詩適漢陽吳采
孝廉泰初子椿齡早孀守志

鸞承世德黃鵠感清門燈火冰霜氣丹鉛涕淚痕柏舟高

詠在曾記小郎言椿齡弟松齡梓齡從余
問字因得悉其家世

天上神仙籍人間宰相才岱宗叅位業雲海閼泉臺卷裏

長風起行間灝氣來因君憶錢起湘瑟隔蓬萊相傳君沒
後爲泰山

府君余同年錢君金粟
身後亦有靈徵故云

族弟芝楣司馬

桐生

自滇南運銅入京相遇漢上賦

贈

謝池春草兩浮萍偶向天涯作合并萬里烟波舟一葉百
年蹤跡石三生碧雞臺上秋風遠黃鶴樓頭夜月明兩字
平安同慰藉雲山如畫片帆輕

神仙眷屬共浮家亦似仙人八月槎客路尚驚巫峽雨歸
帆新載渚宮花黃河水漲魚書遠銀漢風疎雁字斜計日
登樓應北望五雲多處是京華

眷屬偕行
將歸杭州

與芝楣論金馬碧雞因成二律

王褒訪金馬金馬卽金精

銅亦金也

少女原名兌西方正屬庚

百年資鼓鑄九府待權衡何不開銀礦還令物價平國家以銀錢權衡百物今錢賤而銀昂者錢多銀少舊銀耗而新銀不產也籌度吏者採銀之說宜備一策楚蜀黔滇地不愛寶在少更舊章得人以行之耳

碧雞更何物寶氣夜騰精爲有蘭茗色咸知翡翠名滇關仍貢市驃國此瓊瑛爭似和闐產無瑕更有情

聽芝榻話滇中黑龍潭唐梅之勝卽用琅嬛仙館集

中韻

碧雞關下黑龍潭也有梅花似嶺南羣玉山頭仙駐輦衆香國裏佛同龕影從青海寒波見香到金沙古渡探最是

松壺老居士小齋畫壁記清譚

松壺爲余畫梅曾仿一幀

鐵石心腸宋開府

琅嬛句

因緣到處有梅花別營東閣詩人

宅疑入西湖處士家金葉夷官踏香雪銀鑲蠻女立春霞
瘦蛟莫誤湘妃影第一仙人萼綠華

原作

阮元

千歲梅花千尺潭春風先到彩雲南香吹蒙鳳龜茲遂
影伴天龍石佛龕玉斧曾遭塵外畫驪珠常向水中探
祇嗟李杜無題句不與逋仙季迪設

鐵石心腸宋開府玉冰魂魄古梅花邊功自壞鮮于手
仙樹遂歸南詔家今日太平多雨露當年萬里隔烟霞
老龍如見三滄海試與香林較歲華

謝芝楣餉藥物

吾衰幸未老學道免沉疴移竹得如意種松成養和希夷

守家法安樂駐行窩藥物勞君贈靈根不厭多

藥物人人有無非精氣神所宜行子午也要守庚申玉蕊
期休誤金華候要真丹經吾與汝至道味長春

青鸞閣對雪

空庭一方玉小苑幾株花玉是藍田壁花如萼綠華紅樓
懷晚歲紫塞望天涯更聽哀鴻語江頭棲凍沙

有感

籌邊何必博封侯心戰鈴韜妙用柔長策無如安反側兵
家從古重權謀四城閫外分符守一疏尊前借箸籌從此
西陲靖烽火香壇消却我銷愁

大黃茶葉更定章程敷翠
安集延納欵伊薩克入京

備宿衛參贊移駐葉爾羌撥各省綠營糧餉
百分之二增西域戍兵皆長相國籌策也

全淮入運非長策其奈黃河勢太高
腴底無權難洩水湖心已淺不容篙
二隄遠築方程效五壩重營莫憚勞
寄語星軺兩賢使好尋籌策到蓬蒿

橫流也識關災沴何事今年處處橫
鼎鼐固應煩燮理封疆畢竟要和平
下田汗漫悲魚國比戶流亡感雁聲
溝瘠莫教忘拊字治人須要近人情

鹽莢由來關國計民生所賴亦須安
但增官費心何忍不恤商艱事恐難
讀史規模證劉晏著書辛苦問桓寬
江淮財賦儲胥寄讀到蕪城感百端

栽眉雪月歌寄栽眉山中老僧

一尊正憶栽眉客畫中忽對栽眉雪
滿地栽眉雪未消窓

前又見峨眉月峨眉月半輪秋影入平羌江水流江流
東下七千里來過仙人黃鶴樓黃鶴樓前月華白樓外大
江環楚碧思君不見心悠悠鶴背何人夜吹簫夜深老樹
開佛燈萬峰寒翠招紅藤普賢光見大圓鏡前生我亦峨
眉僧笑袒右肩雙足赤君是寒山我拾得齋厨夜火山芋
香莫使豐干再饒舌蜀中更有青城山山中仙侶多長年
香蘭鍊炁玉鍊顏五銖衣帔輕福穠須知仙者卽是佛金
仙與佛同因緣我昔學佛今學仙世緣未了仙緣慳度盡
衆生方作佛蜀道之難難於上青天眼前何者非雲烟不
如飢卽喫飯倦卽眠隨緣住世尚須三十年山中故人且
莫招我歸來篇

哀飢民

北風吹雨雪滿耳鳴聲哀非鴻亦非雁徧地飢民來問爾
來何爲云爲粥廠開縣官報大府告示張滿街豈知屢愆
期中道空徘徊枵腹已數日輪轉飢腸摧蹣跚行不前坐
斃空墻隈葦蓆作桐棺地仄無可埋不解法外意救災轉
生災靜夜聞嗷嗷耿結傷中懷

逝者長已矣生者尤可憐瑟縮單衣裯羞澀仍乞錢骨月
不相顧彼此成棄捐故鄉近南畝非無陌與阡無力種春
麥任彼荒石田流亡恐難復去去何時還生爲他鄉客死
爲異域魂何日更相見或者及黃泉此災吾僅見觸目皆
顛連明歲春林木哀啼多杜鵑

莫親於夫婦不能相因依莫愛於兒女不能相扶持千錢
便賣婦百錢便賣兒天寒日色暮所聞乃更奇一人費餐
錢一人損椀糜各得聞中女居然玉雪姿遺嬰棄滿地終
日呱呱啼久之不聞聲數嬰互枕尸天災何太酷補救亦
失宜此地多善人吁嗟知不知

粥廠開已遲粥籌製何少待食逾萬人形容半枯槁雨雪
況兼旬泥塗甚霖潦災黎清晨來鵠立望參昴所嗟甲逮
乙無異酉至卯轉籌若轉餉待久長官惱一日無一周深
悔起不早空羨得籌人枵枵話溫飽天明轉僵臥凍骸懸
枯草昨日爲飢民今日爲餓殍

籌廠先領籌粥廠再領粥若鶴歆一肩若鷲拳一足蓋頭

無把茆髻髮濕如沐不辭旦旦勞亦復苦當局我爲設一
策循環分竹木義取調水符旋轉等車轂祇於粥廠更不
必籌廠復老幼廠另設勿與丁男逐丁男亦分期日給兩
日粟人少事易舉生全庶可卜

楚女本如玉吾尤惜婢發髻髮千絲雨織趾一尺泥聯袂
衝曉寒玉齒擊瓠犀聞之旣可憐見之尤可悲中道設椒
湯蔗糖以甘之糖味可和胃椒性能溫脾庶幾曠野中不
致粟生肌金閨有賢淑更望能博施北堂愛日愛南海慈
雲慈福因種福果蘭玉盈階墀

贈葉騎尉

養福

卽送歸金陵

忠孝高門第兼之文武才應官江表去行役漢皋來黃鶴

梅花邃青鸞竹葉杯雲帆似征雁好趁北風回

當代陶官保今年事更繁與人共籌策誰爲析根源劉晏
無奇策賈山有至言一篇鹽鐵論早晚達軍門

方以先鹽
後課議寄

雲汀
宮保

故人舒鐵雲孝廉雅擅文章尤精音律曾與婁東畢
子筠以過夏留京師取載籍中可驚可喜之事仿楊
笠湖吟風閣體填院本數十齣自譜宮商按節可歌
子筠客禮邸王頗好賢每脫稿卽付邸中樂部襲演
盛筵招兩君顧誤並以朱提潤筆鐵雲原本舊藏余
家余子裴之攜至漢上將謀付梓身後遺編散帙不
知爲何人攫去至今耿耿今年春郭君蓮舫同舟至

漢出手錄一冊見贈尚餘文君當壚通德擁髻博望
訪星西陽修月四齣蓋與鐵雲同客真州巴氏所錄
也惜琵琶賺人面桃花二種不可得矣歲暮展讀感

題四律

濯足金盆舊有名故鄉流滯感春明旗亭杯斝王之渙樂
府琵琶高則誠天上神仙原有數世間兒女總多情十年
話舊吳王苑殘雨瀟瀟夢不成

賞音難得遇賢王掃徑新開顧曲堂燭暗朱門瑤瑟靜花
明玉殿羽衣香銜觴儘許評華榭壓邃何勞傍苑牆更憶
尚書老孫子鄒枚舊侶記游梁

謂子筠

珍珠密字寫徘徊不是才人肯愛才崔顥已乘黃鶴去王

襄如訪碧雞來江湖晚歲殘燈影風雪天涯濁酒杯絕似
返生香一炷詩魂重與返蓬萊

不須重讀已辛酸雙髯蕭騷感百端名壁竟歸原不易遺

珠再得事應難更無南國蘭臺聚余吳門齊名君過何處

西華葛帔寒幾輩故人零落盡謂樊村仲羅子瀟一編殘

墨涕洟瀾

雞足道人歌

西域月支人名野闍婆闍華言求道士也元時進

中國久休雞足順治十六年入京師求授太上三

大戒於王崑陽律師命以華人姓名曰黃守中迄

今滇人咸以黃真人呼之年已五百餘歲閱師嬾

雲官雲南曾訪之龍樹山房詳見三尼醫世說敘
道人家住古天竺遠向昆明禮雞足西來始自皇元朝五
百餘齡鬢眉綠京輦偶聽春明鐘雙眸炯炯雙頤豐崑陽
門下受三戒姓名始易黃守中金蓋山人昔訪道龍樹山
房叩蓬島滇雲萬里一仙家親見玉顏長不老吾聞閱歲
八百商彭錢寶掌僧臈逾千年雞足本自迦葉尊者駐錫
地七佛出世稱七仙尊者住世七百歲佛壽於今不可計
人定人稱老古錐蓮臺彷彿如來弟道人住此有前因所
惜滇南萬里雲何當夢跨青鸞背來訪琅嬛便訪君
蒼袁冲之茂才題隨園夢樓及余畫像之作

前緣修到石三生闢盡蠹叢路不平賸有一鷗浮紫海久

看雙鶴去青城古梅壓雪餘高格仙樂停雲有正聲我爲
浮名思懺悔那堪老輩又齊名

原作

上海 袁蟾客 冲之

一瓣心香奉此生兩家觴詠味和平元和新體曾文苑
長慶騷壇又碧城花月因緣仙佛地風雲浩蕩鳳鸞聲
放翁團扇家家畫三十年前已盛名

輓周石甫大令卽題匏葉菴詩集

吳江楓落冷騷壇漢上題襟舊夢殘宦海與君交最早名
揚賸我謝偏難尚留南國棠陰在深恐西華葛屐寒不賦
匏瓜賦匏葉一編重讀涕洟瀾

除夕得石瓢見懷之什卽次原韻答之

陳遵堂詩選卷二十九

三

知君沉味亦清華歲晚江鄉夢釣車曾伴衰翁吟玉蕊最
憐富媼失瓊花嬾披茸帽尋僧寺醉脫羈裘付酒家悵我
天涯歸未得故園風景負烟霞

原作

丹徒楊鑄子堅

西泠老輩最風華早播才名賦雪車笑解明珠貽愛妾
醉騎黃鶴詠梅花匡劉文字多名世李杜詩篇入大家
南望蘇臺定回首五湖春艇泛明霞